

明紀

武宗毅皇帝

正德元年春

正月

上

多

在

民

事

以

在

年

春

月

天

以

下

為

正

德

命

都

察

院

以

刑

部

為

正

德

年

春

月

天

以

下

為

正

德

年

重鐫朱青巖先生擬編明紀輯畧卷七

明紀

武宗毅皇帝

諱厚照。孝宗第一子。在位十六年。崩年三十一歲。葬康陵。

丙寅正德元年春正月天鳴地震○命都御史楊一

清總制陝西三邊軍務○大學士劉健李東陽謝遷

上疏曰先帝臨終顧命以陛下爲託卽位之後以建

言爲多言以幹事爲生事以執奏爲瀆擾以革弊爲

紛更憂在民生國計則置若罔聞事干近倖貴戚則

牢不可破臣等叨居重地徒擁虛銜或旨從中出畧

不與聞或有所票擬竟行改易受顧命之名而不能

哈佛大學
圖書館
珍藏印

盡輔導之實。乞賜罷黜。上慰留之。○夏四月少師吏部尚書馬文升罷。太監黃端奏文升抗拒詔旨遂力求去。○以焦芳為吏部尚書。芳河南泌陽人以林瀚為南京

兵部尚書。○六月辛酉雷震郊壇門太廟奉天殿

秋七月彗星見參井。掃太微垣。太白經天。○八月冊

妃夏氏為皇后。慶陽伯夏儒之女也。○九月兵部尚

書劉大夏乞致仕。從之。加大夏太子太保。時大夏劾

奏劉瑾罪狀。瑾以大夏朋黨詔告天下。欲致之死。李

東陽為解於瑾。瑾曰。但令來跪我則已。大夏聞之奮

怒曰。我為大臣肯見奴乎。死朝廷固分耳。瑾竟以東

陽言釋怨。遂致仕去。○以總制宣大軍務都御史劉

宇為兵部尚書。宇禹州人。祖綱。永樂中進士。為府谷

兩以憂去。州人皆詣闕奏留。仁宗特賜塋書。褒異。加

四品服。正統初致仕。居寧凡三十四年。寧州有六君

子祠。祀狄仁傑以下。嘗為刺史者。並奉祀。綱改為七

君子祠。家居十餘年。寧民間遺踵至。年八十四卒。又

皆裹糧致弔。明典以來。為州之久。得民之深。無

如網者。洵循吏也。惜宇趨附劉瑾。有玷清白云。

冬十月戶部尚書韓文上疏請將太監馬永成劉瑾

等拏送法司。明正典刑。以潛消禍亂之萌。又科道交

章請除群姦。上諭內閣。姑示涵容。劉健等上言。此數

人者。蠱惑君心。得罪祖宗。非皇上所得而赦。再疏乞

誅永成等。諸閣自求安置。南京閣臣不從。司禮監王

...

岳獨是閣議。太監范亨、徐智亦助韓文密奏於上。言外朝多官論劾，不可不從。上乃詔捕劉瑾等下獄。瑾言王岳等交通外臣，欲害奴輩。左班官敢誼譁無忌者，司禮監無人也。有則惟上所欲，而人不敢言矣。上立命瑾掌司禮監，兼提督京營。收王岳、李榮、范亨、徐智等繫獄。丘聚提督東廠，谷大用提督西廠。張永等並司營務，分據要地，招權納賄，天下事不可為矣。○大學士劉健、謝遷罷歸。○太監王岳、李榮、范亨、徐智發南京克淨軍。瑾使人殺王岳於途。初舉朝共攻瑾等，內閣持其議。期在必誅，兵部尚書許進謂同列曰：此屬疏斥足矣。若竟其事，恐有甘露之變。既而果貽

縉紳之禍

璘按武宗心好佚遊，鍾愛闕寺。八黨久趨媚於東宮。今邀寵於新王，皆固結於心而不可解矣。劉謝諸公，豈不知之，而必欲置之死地者，誠去疾莫如盡也。特未免失之過激。許襄毅公以為此屬得疎斥足矣，果能必其疎者不復親，斥者不復用乎。亦未免失之太畧。莫若姑行疎斥之於前，旋請誅戮之於後，則舉朝公論，武宗亦必強從，而惜乎其計不出此也。

戶科給事中劉蒞疏陳時政。其一日：近日權奸與政，事勢異常。各處地方太監，各省鎮守中官，何必數數更換。用新人固不若用舊人。養餓虎固不若養飽虎。舊人猶或知事，飽虎猶或易饜也。疏入下蒞獄。○刑

養餓虎固不若養飽虎

科給事中呂翀上疏乞留劉健謝遷詔下獄

五官監楊源上言占候連日陰霾黃霧交作此眾邪

之氣陰冒於陽其象為小人擅權為臣欺君下叛上

劉瑾傳旨楊源妄言禍福廷杖三十○南京六科給

事中戴銑等十三道御史薄彥徽等連名疏請黜權

閹正國法以安社稷劉瑾傳旨差官校俱逮繫錦衣

衛獄○罷戶部尚書韓文即日乘一驢宿野店而去

文子高唐州知州士驥刑部主事士奇並坐為民○罷左都御史張敷華初

敷華與諸大臣共劾劉瑾等奸狀不聽敷華復極言

時政之弊瑾深嫉之矯旨勒令致仕居家一年卒及瑾誅贈太子少

保謚簡肅○進李東陽少師兼太子太師戶部尚書華蓋

殿大學士焦芳太子太保武英殿大學士王鏊戶部

尚書文淵閣大學士○以兵部尚書許進為吏部尚

書起屠瀟為左都御史

劉瑾掌司禮監上悉以天下章奏聽其剖斷瑾遂於

私宅票旨不由內閣部院官日候其門科道部屬皆

行跪禮都察院審錄重囚內寫劉瑾傳奉字樣重複

瑾大怒都御史屠瀟率十道御史謝罪三御史跪階

下瑾辱罵之皆叩頭不敢仰視文武官員差出及回

京者朝見畢即赴瑾宅稟辭稟見習以為常○改中

書舍人李憲爲給事中。瑾與憲同鄉。中書得選科道自此始。

丁卯二年春正月兵部主事王守仁疏請釋言官戴銑薄彥徽等獄。以開忠讜之路。劉瑾傳旨廷杖五十。謫貴州龍場驛丞。戴銑薄彥徽等二十人。及呂柟劉澐各廷杖三十。問發爲民。○罷南京兵部尚書林瀚。令以布政使致仕。逮南京左都御史陳壽下獄。罰米三百石。輸邊贖罪。因瀚壽屢疏救戴銑等。忤劉瑾也。三月劉瑾傳勅詰責奸黨。凡勅內有名吏部查令致仕。無俟稔惡。勅內開載大學士劉健謝遷尚書韓文楊守隨張敷華林瀚郎中李夢陽主事

王守仁王綸孫槃黃昭檢討劉端給事中湯禮敬陳寔徐昂陶諧劉澐艾洪呂柟任惠李光翰戴銑徐蕃收相徐暹張良弼葛嵩趙士賢御史陳琳黃安甫史良佐曹閔王洪陳諾李熙王蕃葛浩陸崑張鳴鳳蕭乾元姚學禮黃昭道蔣欽薄彥徽潘鏗王良臣趙祐何天衢徐鉅楊璋熊卓朱廷聲劉玉○劉瑾令內閣撰勅書凡天下鎮守太監如巡撫都御史職任管理刑名由是官民被害無可控訴矣○逮巡撫

南直隸都御史艾璞下獄問發海南爲民○罷禮部尚書李傑起尚書張昇代之尋亦以忤瑾罷○秋八月進焦芳少傅兼太子太傅謹身殿大學士王鏊少傅兼太子太傅武英殿大學士○總制三邊都御史楊一清罷以劉瑾素憾一清也○五官監候楊源上言自今年

忠君之心一也

以來。占候得火星入太微垣帝座之前。或東或西往來不一。伏乞思患豫防。劉瑾召源問曰。汝何等官。要學做忠臣。源厲聲曰。官有大小。忠君之心一也。瑾命重杖六十。發戍肅州。行至河陽驛。卒。源字本清。豐城人。天順初。父瑄為御史。劾曹吉祥。石亨。戊廣西。成化初。召復職。○召楊廷和為戶部尚書兼文淵閣大學士。參與機務。

冬十一月。劉瑾裁革巡撫官。惟邊鎮及管漕運者仍舊。復逮各邊巡撫下獄。既而扭鎖押赴原任。凡糧有糠粃。草有浥爛。加倍賠償。商人納過糧。草皆沒入官。不從給價。○起雍泰為副都御史。提督操江。劉瑾以

其同鄉。故起用之。鄉人勸泰致謝。泰曰。進退在天。若柰我何。尋遷南京刑部尚書。又不謝。瑾怒。矯詔令致仕。罰米一千石。輸宣府。

戊辰三年春正月。天下官員朝覲。劉瑾令每一布政使送銀二萬兩。皆貸於京師富家。回任括民財以償。

○下李夢陽錦衣衛獄。欲置之死。翰林院修撰康海詣瑾救之。得釋。狀元康海。與夢陽同有才名。素不相

陽在獄。其友謂之曰。君非康對山。不生。蓋言之乎。夢陽曰。臨死求之。有愧於心。吾寧死矣。其友迎之。再三夢陽書片紙曰。對山救我。惟對山為能救我。其友持書詣海。海曰。我豈吝惡人之見。而不為良友行也。遂詣瑾。瑾焚香迎海。海踞上座。瑾命左右設席。海曰。我有言告公。聽我則留。不然我且去。瑾曰。云何。海曰。李

對山救我

夢陽下獄而公不援何也。瑾曰：敬聞命矣。○罷吏部

尚書許進，以劉宇代之。○以曹元為兵部尚書。○二

月會試，以少傅大學士王鏊掌詹事府，吏部尚書兼

翰林院學士梁儲充考試官，取邵銳等三百五十八

人。三月廷試，賜呂柟、景陽、戴大賓等進士及第。出身有

差。○逮前總制三邊都御史楊一清，至京下獄。王鏊

言於瑾曰：「一清為國家修邊墻，豈可以此得罪？」李東

陽亦力救之，釋獄放還。

夏四月，致仕吏部尚書王恕卒。年九十四，贈太師，謚

端毅。恕字忠貫，陝西三原人。正統十三年進士。數歷

中外直言敢諫，為經濟名臣。大學士丘濬嫉恕

恕力求去，平生好學。至老不倦。所著有漕河通志。介

庵奏議、玩易石渠等書。子承祐，由進士。歷官戶部尚

書廉潔端

慎有父風

六月，劉瑾以給事中安奎、御史張或、盤糧報數不明

枷於長安門外。都御史劉孟到任遲，枷於吏部門外

皆用一百五十斤枷。

時早朝，有投匿名帖於丹墀者。上見之，命取以進。帖

內備言劉瑾等亂政。瑾下殿，詰問無肯承認。瑾收五

品以下官三百餘人，出午門，跪聽處分。暴烈日中，仆

地死者十餘人。至暮，悉械送錦衣衛。獄追究，竟無踪

跡。李東陽言於瑾曰：「此事必一人陰謀所為，諸臣倉

卒拜起。豈能知之衆。遂得釋。○逮前戶部尚書韓文至京。下錦衣衛獄。文在任時。以抗疏請誅劉瑾。削職。瑾銜恨。必欲置之死。至是拷訊數月。摭拾他事。罰米三千石。押赴大同納贖。

秋八月。逮前兵部尚書劉大夏。至京。下錦衣衛獄。劉瑾以廣西土官岑濬。獄辭連大夏。欲坐以激變。論死。大學士王鏊曰。岑氏未叛。何名爲激變。都御史屠滸亦謂大夏不宐深罪。瑾乃與吏部尚書劉宇謀。發大夏。肅州衛。永遠充軍。○大學士王鏊致仕。

璘按明朝宦官用事。馬騏激變。交趾王振。陷駕土木。梁芳。李廣。傳旨宮禁罪已甚矣。然窮凶極惡未

有如汪直。劉瑾者也。汪直使九卿行叩頭禮。劉瑾使科道行叩頭禮。夫九卿之位。亞於三公。科道之職。不避宰相。以九卿而叩頭於西廡之前。以科道而叩頭於司禮監之前。壞天下人心風俗。喪失士大夫廉耻。此膝可屈。將何事不可屈也。乃有名公鉅卿。與世推移。願立於其朝者。惟冀以保全善類耳。其深心大計。有非恒情可測。此李東陽所以救劉大夏。康海所以救李夢陽。王鏊所以救楊一清也。他如廷杖。貶秩。謫戍。得免死者。難更僕數。至匿名帖一事。朝官自五品以下。罰跪送獄。未知作何窮究。賴東陽以片言悟瑾。立釋者三百餘人。與陳太丘。弔張讓父喪。黨禍起多所宥。何異。未可固執偏見。謂其貪位固祿。甘犯清議也。

冬十月。翰林院學士張芮見劉瑾長揖不拜。謫鎮江府同知。

十二月起。蔡清爲國子監祭酒。未至卒。

清晉江人。飭躬厲行。必準

古人平生好學不倦。安貧守已。所著有易學蒙引。四書蒙引。學者宗之。稱虛齋先生。

已巳四年春正月總督漕運右副都御史邵寶罷劉瑾

憾之勒令致仕

夏五月孝宗實錄成。進焦芳少師兼太子太師華蓋

殿大學士。○劉瑾惡翰林院官不行跪禮。調侍讀徐

穆編修汪俊等十餘人。為南京員外郎主事。○霸州

盜劉六劉七齊彥名等作亂。

冬十月四川保寧賊劉烈藍廷瑞等皆僭號稱王眾

至十餘萬。西侵漢中南掠鄖陽。○大學士焦芳以老

病致仕。命吏部尚書劉宇兼文淵閣大學士預機務

吏部左侍郎張綵為吏部尚書

庚午五年春正月命刑部尚書洪鍾兼左都御史總

督軍務討四川流賊。○三月致仕禮部尚書周經卒

贈太保謚文端經字伯常。陽曲人。江陵籍。父瑄。刑部

尚書。經在翰林三十年。編摩校閱。侍

東宮講學。弘治初為吏部侍郎。進戶部尚書。恩幸請

求多所裁抑。秉正執法。愛民節用。十二年加太子少

保。仍禮部事。十五年致仕。正德初起禮

部。復乞致仕。家居三年卒。為經濟名臣。

夏四月慶府安化王寘鐸反。殺總兵官江漢。巡撫都

御史安惟學。傳檄討劉瑾。○命涇陽伯神英充總兵

執實鑄并其子台潛斬偽將周昂擒何錦丁廣等神
英率師還張永楊一清仍往寧夏安撫地方

秋八月太監張永還京獻俘實鑄等伏誅○命楊一
清總制陝西三邊軍務○張永乘間言於上曰劉瑾
流毒海內激變寧夏心不自安陰謀不軌反形已具
宜早擒之因陳瑾大罪十七事上猶豫未決永曰少
遲我輩皆齏粉矣上命禁兵執瑾詔多官廷鞫莫敢
發言衆促刑部尚書何鑑鑑乃問瑾何爲引用鄉人
瑾笑且罵曰文武大臣皆由我進何獨言鄉人駙馬
蔡震坐瑾謀反拷掠具獄凌遲三日被害者爭啖其

肉悉誅其家屬籍沒財產金三十四萬錠又五萬七
千八百兩銀元寶五百萬錠又一百五十八萬三千
六百兩寶石二十斛金甲二副金鈎三千金銀湯盃
五百蟒衣四百七十襲牙牌三櫃穿官牌五百袞龍
袍四八瓜金龍盔甲三十副玉印一玉帶四千二百

六十條

瑾陝西興平人本姓談幼自宮投中官劉姓

爲人武宗登極由鍾鼓司入司禮監武宗以天下章
奏委之於是蜀典機務生殺予奪不復關白時瑾兄
都督劉景祥卒賜葬祭加等公卿爭賻恐後車馬填
塞東華門私第至不能容將葬又往設祭重致財帛
辭靈瑾敗之夕密旨封瑾門曳景祥棺出棄於路削
棺焚其屍初京師里巷私語籍籍謂八月十五日傾
城送葬瑾欲爲變時夜禁甚嚴犯者立死星出後寂
無人聲有中夜竊聽甲兵鏗狀瑾之敗先景祥葬期
月已昇昇

二日人謂宗
社之福云
○下劉瑾黨吏部尚書張綵於獄綵死

獄中仍暴其屍家屬流嶺南大學士劉宇曹元罷職

前大學士焦方及其子侍讀焦黃中並除名為民○

論誅劉瑾功封太監張永兄張富為泰安伯弟張容

為安定伯太監魏彬弟魏英為鎮安伯太監馬永成

兄馬山為平涼伯太監谷大用兄谷大寬為高平伯

義子朱德為永壽伯並給誥券世襲蔭李東陽楊廷

和子各二人為尚寶丞○論平竇鑄功封仇鉞為咸

寧伯召楊一清為戶部尚書加太子太保蔭一子為

中書舍人○命巡撫貴州邵寶督理漕運○進楊廷

和少傅謹身殿大學士劉忠少傅梁儲少保並武英

殿大學士○冬十月致仕吏部尚書許進卒進字季

靈寶人進士成化間劾汪直陳鉞廷杖幾死正德間

屢忤劉瑾除名為民瑾誅復官致仕嘉靖五年追贈

太子少保謚襄毅進子諱戶部尚書謚莊嚴讚

吏部尚書大學士贈少師謚文簡論兵部尚書

辛未六年春二月會試以少傅兼太子太傅吏部尚

書武英殿大學士劉忠掌詹事府吏部侍郎兼學士

靳貴充考試官取鄒守益等三百五十人○三月廷

試賜楊慎余本鄒守益等進士及第出身有差慎廷

也○四月大學士劉忠致仕忠河南人行方寡合

五月致仕兵部尚書劉大夏卒贈太保謚忠宣大夏

雍華容人天順八年進士受知孝宗後以忤劉瑾致
任去瑾復逮大夏至京下獄將殺之賴王鏊力救得
免死戍肅州瑾誅放還
復職致仕卒年八十一

揚廉曰忠宣通達國體如陸敬夫正直不阿如汲
長孺廉潔不私如包希仁忠義懇方如司馬勃節
乃先民之
遺軌也

江西四川盜起攻破州縣到處劫掠趙風子賊劉六

劉七齊彥名等橫行畿甸京師戒嚴按劉六等皆霸

太監谷大用馬永成張忠三人同鄉嘗入禁內至豹
房縱觀上遊幸之處兵部尚書王敞飭有司擒捕已

獲齊彥名繫安肅縣獄劉
六劉七劫獄奪彥名去

秋八月命惠安伯張偉統京營兵征流賊○流賊劉

六趙風子等分寇河南山東州縣趙風子名遊文安
縣生員有勇力好

任俠劉六等擁眾掠文安遂舉家避賊賊得其
妻將汚之遂奮怒往鬪為劉六等所擒遂降賊○惠

安伯張偉都御史馬中錫討賊無功逮下獄偉革爵

中錫死獄中偉統袴子弟中錫白面書生皆
不知兵專主招撫迄無成功

冬十月命太監谷大用總督軍務調宣府大同邊兵

討賊詔軍中俱聽大用節制○流賊攻徐州掠淮西

○十二月趙風子破裕州同知郝采死之入泌陽掘

發大學士焦芳祖墓圍鄧州聞前尚書馬文升家在

城中解圍去○進禮部尚書費宏文淵閣大學士以

禮部左侍郎傅珪為禮部尚書

壬申七年春正月黃河清自清河至柳家浦九十里

清五日

璘按黃河清聖人出。自正德至天啟凡六傳。無一善政。主闇於上。臣奸於下。殺戮忠良。寵信讒慝。盜滿中原。生靈被屠。水旱災荒。死亡畧盡。此河又為誰清也。

伏羌伯毛銳率京營兵與流賊劉七戰於真定官軍

萬餘人皆死。銳僅以身免。失去所佩將軍印。因與太

監谷大用同事免議。調來邊兵。斬賊所擄民人首級

報功。陞賞者以萬計。賊無一獲。大同遊擊江彬過薰

報功陞賞賊無一獲

州入民家殺二十二人。有司申狀。谷大用置勿問。大

用奏帶勢豪子弟。僕從數多。冒銷官銀二百餘萬。

致仕少師吏部尚書馬文升卒。贈太傅。謚端肅。

文升字負

圖鈞州人。景泰二年進士。歷仕五十餘年。思慮精深。

博綜練達。文武兼資。尤長於應變。正德初。文升因權

閣用事。致仕去。劉瑾以其薦許進。雍泰為黨。傳

旨除名為民。瑾誅復其官。至是卒。年八十七。

江

西南昌知府李承勛討平華林賊。斬獲四千餘人。移

兵擊瑪瑙寨東鄉賊。皆平之。

夏五月趙風子自六安州敗走商城。被獲伏誅。巡

撫湖廣都御史馬炳狀赴任。至爛泥舖遇賊被殺。

爛泥舖在

黃州。劉六劉七齊彥名等自黃州乘船下南京。操

江不敢偏。至鎮江復上九江。又下南京。凡三往來。如

入無人之境。

如入無人之境

秋八月劉六等舟至通州狼山。遇颶風。舟覆賊盡死。

九月論平賊功。封太監谷大用兄谷大亮為永清伯。太監陸闇弟陸永為鎮平伯。進封仇鉞為咸寧侯。並賜誥券。世襲。谷大用帶奏之人。陸授都督。都指揮使及指揮千戶百戶千餘員。

璘按趙風子之誅也。由偽為僧欲渡江。合江西賊為武昌軍人。趙成所執。已授成正千戶矣。劉六劉七齊彥名等。至狼山颶風覆舟。諸賊盡溺死。是賊自干天誅。已殄滅無遺類。則谷大用陸闇之兄弟皆封伯爵。出於何名。即云賊覆舟時。陸完追至生擒齊彥名。問知劉六劉七先投水死。於是進完太子太保。掌都察院事。廕一子足矣。谷大用奏帶之人。在何處立功。而冒濫陞職。虛糜廩祿者千餘人。蓋朝廷既聽命於宦官。其是非得失孰有能議之者。此而不亡亦幸也。

命調邊兵入衛京師。閣臣李東陽等力言不可。內官傳旨行之。由是大同遊擊江彬入京。○冬十一月。少師大學士李東陽乞致仕。從之。

癸酉八年春正月。命右都御史彭澤總督四川軍務。征勦盜賊。

夏五月。寇入大同渾源靈丘繁峙等處。殺掠。○六月。以王瓊為戶部尚書。○設立東鄉萬年二縣。東鄉隸撫州府。

萬年隸饒州府。○冬十月。以都督錢寧掌錦衣衛事。寧本內臣家人。被寵賜國姓。

甲戌九年春二月。會試。以少傅大學士梁儲翰林院學士毛澄充考試官。取霍韜等四百人。○命掌詹事。

府禮部尚書靳貴為文淵閣大學士。○三月廷試賜唐臯黃初蔡昂等進士及第出身有差。○秋八月都御史彭澤討平四川羣盜總督甘肅等處軍務。

乙亥十年夏閏四月命少傅吏部尚書楊一清兼武

英殿大學士

時楊廷和以憂去

○調兵部陸完為吏部尚書

戶部王瓊為兵部尚書。名甘肅總督彭澤回京掌都

察院事。

秋八月寇犯固原平鞏等處。○以毛紀為禮部尚書

○江西按察副使胡世寧上言寧王自因劉瑾討衛

兵以來威勢日盛剝害遍及閭閻三司被其鈐束禮

樂政刑不自天子出四方之事益有可憂乞簡命才

節威望重臣假以便宜之權俾兼提督巡撫之任以

消隙寢邪於未形勅王自治其國勿干撓有司庶宗

室有磐石之固而朝廷紓南顧之憂矣宸濠多方搆

之世寧赴京投繫詔獄得減死謫戍遼東

世寧仁和人

冬十月以孫燧為副都御史巡撫江西

丙子十一年夏四月安南國王黎暘為其臣陳曷所

殺國人立其兄子諲

黎暘無子

改年光緒

高子昇據諒山府等處自稱王

年號

○大旱。○寇入大同。○秋七月寇入宣府。○致

仕大學士李東陽卒贈太師謚文正。○八月大學士

楊一清致仕。以掌詹事府蔣冕兼文淵閣大學士。○
九月。命王守仁爲僉都御史。巡撫南贛汀漳等處。
丁丑十二年春二月。會試以大學士靳貴少詹事。領
清充考試官。取倫以訓等三百五十人。○兵科給事
中毛憲疏言。臣奉命往湖廣。遼府冊封。今始入境。見
沿途老幼男婦。掘食野草。僵臥呻吟。死者枕籍。蓋連
遭水災。田地拋荒。而督徵部使。方且絡繹而至。日加
鞭撻。重以採木煩難。貽害非細。伏望重憫。勅下該部
速行議賑。督徵使臣。暫取回京。採木等項。稍從寬減。
更乞罷工作。以息勞費。節賞資。以惠困窮。不報。

三月。廷試。賜舒芬倫以訓。崔桐等進士。及第出身。有
差。○上微行遊朱寧所建石經山寺。數日乃還。卽錢亭也
夏四月。命禮部尚書毛紀兼東閣大學士。以毛澄爲
禮部尚書。

秋七月。召大學士楊廷和。還京師。○秦王維焯請關
中田爲牧地。時朱寧江彬張忠輩受王賂。助之請。上
許之。科道交章執奏不聽。內閣楊廷和蔣冕皆引疾
不出。上大怒。令內官促草制。梁儲承命上制草曰。昔
太祖高皇帝著令曰。此土不畀藩封。非吝也。念此土
廣且饒。藩封得之。多畜士馬。姦人誘爲不軌。不利宗

社。今王請祈懇篤。朕念親親。畀地於王。王得地。宜益
謹。毋收聚姦人。毋多養士馬。毋聽狂人誘為不軌。震
及邊方。危我社稷。是時雖欲保全宗親。不可得矣。王

其慎之。上覽制。駭曰。若是可虞。其勿與事。遂寢。

按同姓諸

侯王傳。秦府請潼關以西。鳳翔以東。河塹地曰皇祖。以賜臣先王。棧也。戶部尚書梁林執議以為不可。上從林言乃止。

○南贛巡撫王守仁請提督軍務。許之。

○八月上出居庸關。至懷來宣府。遊獵。上至居庸。巡

關御史張欽閉關。上疏諫止。不聽。○大學士楊廷和

疏請回鑾。言關外臨邊。賊寇出沒。英宗皇帝往事可

鑒。不聽。

江彬誘上至宣府營建慎固府第。時時夜出見高門大戶。即馳入問其婦女。於是富民皆

厚賂彬以求免

九月上幸大同。陽和衛城。是月二十七日。方獵大雨

冰雹。軍士有擊死者。是夜星變。二十八日。上赴大同

明日。邊寇以數萬眾圍陽和。轉掠應州。

冬十月。南京吏科給事中孫懋疏言。都督朱彬

江彬賜國

姓朱去年。導陛下幸南海子。幸功德寺。幸昌平。等處。今

又導陛下出居庸關。臨宣府。過大同。引寇深入。使當

時。各鎮之兵未集。不幾蹈土木之轍哉。彬在一日。則

為宗社一日憂。國之安危。未可知也。不省。

十一月。楊廷和起復。入閣辦事。○南贛巡撫王守仁

平補岡賊

十二月內閣九卿至居庸關迎駕有禁不得出關而還

閏十二月上在宣府是月丁亥日立春上命備諸戲劇又大車數十輛令僧與婦女共載婦女各捧氣毬車既馳交擊僧頭或相觸而墮上大笑以為樂○歲將畢上還京江彬許泰並封伯爵昌應州禦寇之功也

戊寅十三年春正月上復出關遊幸

二月二日太皇太后王氏崩上還京謚曰孝貞純皇

后

夏四月大行太后梓宮將祔葬上詣天壽山祭告六

陵遂往黃花鎮密雲諸處遊幸至五月下旬始還京

六月復議出巡楊廷和等力諫不聽命內閣草勅上

目稱威武大將軍鎮國公朱壽以江彬為威武副將

軍扈從巡邊楊廷和稱疾不出上御左順門面促梁

儲草勅儲奏曰凡事可將順獨此勅不可草上問何

為不可儲奏以臣名君故不可上大怒手劔立曰不

草勅齒此劔儲免冠伏地曰願就死良久上擲劔而

起不復言草勅專○秋七月寇入陝西固原臨洮鞏

上目稱
威武大
將軍

昌、秦州等處大肆殺掠。

八月丙午上北巡。黎明由東安門出。群臣皆不知。遂度居庸關。歷懷來保安諸城堡。駐蹕宣府。初江彬勸上於宣府治行宮。越歲乃成。糜費不可勝計。輦豹房所貯珍玩。及到處所收美女。實其中。上甚樂焉。每稱曰家裏還京後。念之不置。彬亦欲專權。令諸幸臣不得近。故數導上遠出。及再出居庸。仍戒守者毋令京朝人來往。益上素厭大內。始以豹房為家。至是以宣府為家矣。

九月上至大同。

鎮守太監馬錫以總兵葉椿第為獻。改稱都督府。居焉。又奪都指揮關山。

指揮楊俊宅。改為酒店。二所。榜曰官食。上至偏頭關。貴近多先掠良家女子以充御用。至數十車。在道有死者。

冬十月上自偏頭關渡河幸榆林。

已卯十四年春二月上自榆林還京師。自出關往返

數千里。皆輕騎戎服。冒風雪以行。有司具輦却勿御。

三月上欲巡視泰山。抵南京下蘇杭。浮江漢而上。登

武當。徧觀中土。內閣九卿大臣疏諫。不聽。時江西寧

王久蓄異謀。內外憂懼。於是翰林院及部屬等官交

章入諫。上大怒。下兵部郎中黃鞏。員外郎陸震。吏部

郎中夏良勝。禮部郎中萬潮。太常博士陳九川。醫士

鐵柱七
根齊折

徐鏊於錦衣衛獄。修撰舒芬等百有七人。工部郎中
林大輅。大理寺正周叙。行人司副余廷瓚等七十人
俱罰跪午門五日。是時京師陰霾晝晦。海子水溢橋
下。鐵柱七根齊折。如斬斷者。是月二十五日也。有錦
衣衛指揮張英以為變故昭然。車駕出。必不利。乃肉
袒露刃當胸以死。諫於是傳旨將舒芬等百有七人
在午門前各杖三十。黃鞏等六人各杖五十。其餘各
杖四十。降罰除名。謫戍有差。杖死者兵部員外郎陸
震。行人司副余廷瓚。主事劉校。何遵。許事。林公輔。照
磨劉珏。行人孟陽。李紹賢。劉平甫。李翰。臣詹軾。十有

一人。上亦不果出。

夏五月御史蕭淮疏言(寧)王包藏禍心招納亡命潛
謀不軌關係宗社生靈非細故也。宜勅錦衣衛凡宸
濠黨與逮繫至京究治前鎮守太監畢真等首保(寧)
王賢行及諸前後與王交通者宜坐名罷削。上命太

監賴義駙馬都尉崔元都御史顏頤壽往諭之。革其

護衛。

寧王以上巡游無度天下囂然且信帝星明江

漢之言遂萌異志陰養盜賊閔念四凌十一吳
十三等肆行劫掠以備軍費副使許遠已捕獲吳十
三等繫南康府獄宸濠復令賊劫獄奪去差人載金
寶在優人臧賢家分餽權要與司禮監蕭敬禮部陸
完書必急去孫燧別用一都御史來東廠太監張銳
初亦黨宸濠與楊廷和主議復其護衛已而知有反
謀乃與廷和言仍復革去護衛以免後患時宸濠偵

卒林華在京聞朝廷遣官往江西不知止革護衛飛馳歸報值宸濠生日宴鎮巡三司等官聞信大驚密召素所厚致仕都御史南昌李士實講道學主人劉養正謀舉事養正日明晨鎮巡三司官謝宴可就擒之反計乃決。

六月寧王宸濠反殺巡撫江西都御史孫燧副使許逵先是偵卒林華由京師馳回於六月十三日抵王府王聞信日詔使此來必用昔日蔡震擒荆府故事且舊制凡抄解宮眷始遣駙馬親臣遂聽劉養正計六月十四日諸司入謝畢宸濠出立露臺上大言曰孝宗爲李廣所惑抱養民間子我祖宗不血食者十四年於茲矣太后有密旨令我起兵討賊共伸大義

燧日請旨看宸濠日不必多言我往南京汝保駕否燧日天無二日民無二王有太祖法制在誰則敢違宸濠問許逵有何言逵日惟有赤心耳豈從汝反宸濠命校尉火信縛燧并逵曳出惠民門外殺之奪鎮巡諸司印械繫太監王宏巡按御史王金出差戶部主事馬思聰金山布政使胡濂祭政陳杲劉斐祭議許劾廉黃宏僉事顧鳳都指揮許清白昂等於獄馬思聰黃宏不食而死偽置官屬李士實爲太師左丞相劉養正國師右丞相祭政王綸提督軍務大元帥兵部尚書閔念四等爲都指揮僉事潘鵬師夔持檄諭降諸郡縣布政使梁宸按察使穆璋副使唐錦爲宸濠移檄遠近革正德年號閔念四等攻破南康九江二府官吏逃散令僉事師夔

守居

秋七月宸濠以宜春王拱榘內侍萬銳等率兵萬餘守南昌自與妃媵世子及偽官屬軍丁六萬人出鄱陽湖舳舻蔽江而下。聲言直取南京過安慶城下都指揮楊銳知府張文錦集眾守城攻之不克。○收交通宸濠太監蕭敬泰用盧明都督錢寧優人臧賢吏部尚書陸完俱下獄籍其家。後蕭敬泰罰銀二萬兩贖罪。仍掌司禮監。泰用陸完戌邊餘死獄中。按籍錢寧家金十萬五千兩銀四百九十八萬兩碎金銀及首飾共五百二十箱珍珠二櫃。金銀臺盞四百二十副胡椒三千五百石蘇木七十扛。緞疋三千六百扛。餘物不可勝計。臧賢更獲珍寶更多其籍沒之數不可考。

王守仁起兵討宸濠

提督南贛軍務都御史王守仁起兵討宸濠遂入南昌宸濠解安慶圍還救至鄱陽湖守仁督兵與戰賊眾大敗宸濠就擒江西平。先是福建軍亂朝命守仁往撫將抵豐城宸濠已反密遣內官喻才率兵邀之豐城知縣顧佖奔告守仁乃易小舟還吉安與知府伍文定畫策檄諸路兵討之吉安府兵先集袁州府知府徐璉臨江府知府戴德儒贛州府知府邢珣各率兵至議所向眾言寧王經理旬餘方出南昌城守必嚴攻之恐難猝拔今寧王攻安慶久不克兵疲意沮若以大軍徧之江中與安慶兵夾攻之必敗寧王

敗南昌不攻自破矣守仁曰不然我師越南昌下與
寧王相持江上安慶之衆僅能自保必不能出援而
南昌兵議其後絕我糧道南康九江又合勢乘之腹
背受敵非計也不若先攻南昌寧王精銳皆出守禦
必單弱我兵新集氣銳南昌可克也寧王聞我攻南
昌必解安慶圍還兵自救首尾牽制此成擒矣乃分
其兵爲十三哨是月丙午會師於樟樹守仁乃下令
曰軍伍不用命者斬隊將隊將不用命者斬副將副
將不用命者斬主將師遂行至豐城謀知賊設伏於
舊敞以應城中守仁遣奉新縣知縣劉守緒從間道

夜襲破之是月二十日師至南昌城下榜諭居民各
閉戶自守勿助亂勿畏懼逃匿分汛攻城城門有不
閉者兵遂入時贛州奉新兵多降盜大肆殺掠守仁
執斬十餘人勢稍定擒拱榑萬銳等宮中縱火自焚
守仁乃撫定軍民釋遣脇從封府庫收印信人心始
安宸濠聞守仁攻南昌大恐李士實勸勿還兵舍安
慶徑取南京既卽大位江西目服不聽移兵阮子港
先遣二萬人趨南昌守仁迎擊之初不利殊死戰陣
斬吳十三賊衆潰宸濠保樵舍盡出金寶犒士守仁
命小舟載柴草乘風縱火燒之火及王舟婁妃及宮

人皆赴水死。宸濠為萬安知縣王冕所執。世子及偽文武官皆被擒。賊幾盡。攻復南康九江二郡。將士囚宸濠至南昌。宸濠曰：昔紂用婦人言而亡，我不用人言而亡，悔恨何及？初宸濠蓄異志，婁妃每泣諫，不聽。至是守仁求婁妃屍葬之。

八月下詔南征。大學士梁儲、蔣冕扈從。時王守仁捷書未至，諸邊將豹房者皆獻擒宸濠之策。上亦欲假親征南遊，於是自稱奉天征討大將軍鎮國公，邊將江彬、許泰、劉暉、太監張永、張忠皆稱將軍，所下軍書改稱軍門檄。上至良鄉，守仁奏至，言臣於告變之

際，選將集民，先收省城，空其巢穴，繼戰鄱陽，擊其惰歸。今宸濠已擒，逆黨已獲，脇從已散，閩廣赴調，軍士已歸，地方驚擾之民已定，竊惟宸濠睥睨神器，招納奸宄，輦轂之動靜，探無遺事。外臣之奏，白百不一通。發謀之始，逆料車駕親征，先於沿途設伏，奸黨期為博浪之謀。今逆已成，擒法宜解，赴闕門，式昭天討，欲委付官屬，誠恐潛布之徒乘間竊發，致有疎虞。臣當親自獻俘，謹俟進止，疏入。上屢檄止之，令候駕至。梁儲、蔣冕請還京，不聽。

九月上至南京，命太監張忠、安邊伯許泰、左都督劉

暉統軍萬餘人前往江西勦捕宸濠餘黨邊將江彬欲縱宸濠於鄱陽湖俟上親與戰而後奏凱論功守仁不聽械繫宸濠等取道浙河以進張永已候於杭州守仁語永曰江西之民久遭兵亂今遇旱災若上至鄱陽又令供邊軍糧餉困苦已極必逃入山谷為亂將成土崩之勢然後與兵討之不亦難乎永以為然守仁遂以宸濠付永乘夜渡江還江西○太監張永復命先見上備言王守仁之忠江彬等欲攘其功將加陷害他日朝廷有事何以勸下自此毀言遂不入張忠許泰劉暉屢矯制召王守仁不赴乃言守仁

王守仁
學道人
也

必反上問何以驗其必反曰試召之必不來張永聞之密遣人報守仁既而召之守仁即日就道忠等復拒之於蕪湖守仁入九華山宴坐張永聞之言於上曰守仁忠臣今聞眾人爭功欲棄其官入山為道士上使人覘之果然上曰王守仁學道人也召之即至安得反改命守仁巡撫江西以吉安府知府伍文定為江西按察使

冬十月上在南京禁民間養豬及貨賣宰殺犯者發極邊衛分永遠充軍

以朝廷姓朱與猪同音也旬月之間到處流傳盡行減價殺賣

小者棄而埋之。一時駭異

庚辰十五年春正月上在南京。時張忠許泰劉暉統領邊兵在江西勦捕宸濠餘黨。誅殺良善。沒其貲財。供應浩繁。民不堪命。已經五月。遠近騷然。初北軍至江西省城。動輒呼王守仁且嫚罵。或衝道挑釁。守仁務待以禮。諭市人移家於鄉。惟以老弱應門。守仁出逢北軍喪。必停輿慰問。厚贈卹。咨嗟而去。北軍皆曰王都堂待人以禮。安得犯之。張忠等閱射教場。江西官軍射多不中。疆守仁守仁勉應之。三發三中。北軍同聲讚歎。忠等不樂而罷。曰我軍亦附彼耶。遂班師。○江彬擁邊軍數萬。恃恩跋扈。無人臣禮。南京兵部

王都堂
行人以

尚書喬宇鎮之以靜。一日彬索各城門鎖鑰。宇曰守備者所以謹非常。城門鎖鑰誰敢索。亦誰敢與。彬乃止。

二月會試。以禮部左侍郎兼學士石瑤侍讀學士李廷相充考試官。取張治等三百五十人。○三月楊廷和毛紀疏言大祀行於正月。社稷祭於仲春。孝宗皇

后大祥。在二月二日。禮見即時附廟。

憲宗后
謚孝貞

今俱改

卜甚為非宜。天下朝覲官員吏部考察上請。未奉定奪。各官離任已久。政務悉廢。殿試進士亦已踰期。自去秋聖駕南行。至今八月有餘。在京在外各衙門題

明神宗 卷七
奏俱未蒙發出伏望亟賜班師回京無致久稽不省
秋閏八月上詣孝陵遂如鎮江幸致仕大學士楊一
清第留飲賦詩十章一清厚有所獻上大悅及駕還
凡五幸焉又幸故大學士靳貴第時靈柩在堂上臨
撫嗟悼命所從番僧爲誦經薦福

九月上以大將軍鈞帖令巡撫江西都御史王守仁
重奏捷書守仁節畧前奏入張忠江彬等姓名上之
始議班師

冬十月車駕發南京至通州賜宸濠拱樛等死燔其
屍叛黨皆磔於市○十一月執吏部尚書陸完至行

在以兵部尚書王瓊爲吏部尚書

辛巳十六年春正月上還京加蔣冕少傅謹身殿大
學士毛紀少保武英殿大學士擢胡世寧爲右僉都
御史巡撫四川以石瑄爲禮部尚書兼翰林院學士
掌詹事府羅欽順爲吏部左侍郎

二月上不豫寢疾豹房○三月上大漸惟太監陳敬
蘇進二人侍左右十四日丙寅上崩無嗣慈壽皇太
后定議遵祖訓兄終弟及之文乃爲遺詔遣太監谷
大用韋霖張錦壽寧候張鶴齡定國公徐光祚駙馬
都尉崔元皇親邵蕙大學士梁儲禮部尚書毛澄齋

金符往安陸藩府迎獻王世子厚。總人繼大統。壽

皇太后武宗母孝宗后也。與王名祐。杭。憲宗第四子。正德十四年薨。謚曰獻。○皇太后懿

旨下江彬獄論死籍其家黃金七十櫃銀二千二百

櫃金銀首飾五百一十箱金銀湯盤四百具錦繡珠

玉珍寶不可勝計。隱匿各邊奏報軍情本章一百三

十六件。○是月二十六日谷大用等至興邸。三迎於

府門外。至承運殿讀詔畢。王乃受金符。朝群臣。

夏四月初二日癸未車駕發安陸。壬寅至良鄉。覽禮

部所具儀注。謂袁宗皋曰。詔以吾嗣皇帝。非為皇子

此儀何謂也。癸卯至京城外御行殿。楊廷和請由東

安門入。御文華殿。上箋勸進。擇日登極。王遂從行殿

受箋。由大明門入。是日即皇帝位。詔以明年為嘉靖

元年。○命禮部會議。與獻王稱號。尚書毛澄請於內

閣。楊廷和廷和書。漢定陶王宋濮王故事。授之曰。是

足為據。

五月上大行皇帝謚曰承天達道英肅睿哲昭德顯

功宏文思孝毅皇帝。廟號武宗。○葬康陵。○太保兼

武英殿大學士梁儲致仕。○禮部會同九卿院寺科

道上議。漢成帝立定陶王為太子。以楚孝王孫景為

定陶王。奉其王祀。今上入繼大統。宜以益王第二子

父母可
互易若
是耶

厚炫襲封興王奉獻王祀。又稱號宜如宋英宗。濮安懿王故事稱孝宗爲皇考。興獻王爲皇叔父。興獻王妃爲皇叔母。上曰父母可互易若是耶。其再議以袁宗舉爲禮部尚書兼文淵閣大學士。○殿試庚辰科中式舉人賜楊維聰等三百三十人進士及策出身有差。○遣中官迎興國太后。○上賜璽書存問韓文章。懋月供祿米。年皆八十餘矣。

六月江彬伏誅。○勅修武宗實錄。○召彭澤爲兵部尚書。○論王守仁功名爲南京兵部尚書。參贊機務。封新建伯。○詔正德十四年各官諫止巡幸。跪門杖

責致死者。追贈諭祭。廢子。其降調充軍爲民者。復職陞用。

秋七月。大理寺辦事進士張懋疏言。時議欲考孝宗而叔興獻王者。拘定陶濮王陳迹耳。漢哀帝宋英宗育於宮中。有父子之道。今皇上以倫序當立。循繼承統之義。非爲孝宗後也。稱興獻爲皇叔父。幽冥之中。固不得而知。但迎養聖母。稱皇叔母。則當以君臣之禮見子。可臣母乎。禮長子不得爲人後。興獻王惟生皇上一人。利天下而爲人後。子孫自絕於父母乎。故謂皇上爲繼承而得尊崇。其親則可謂爲繼承而自絕。

其規則不可。今惟別立典獻王廟。隆以帝禮。聖母亦以子貴。尊與帝匹。庶全父母之倫。不失尊親之孝矣。上覽疏。遣司禮監送內閣。諭楊廷和曰。此議實遵祖訓。據古禮。爾曹何得誤朕。廷和曰。書生不知國體。復持入。

九月。興國太后至通州。禮部具儀注。由東安門入。上斷自大明門入。謁廟。朝議譁然。謂婦人無謁廟禮。且太廟非婦人宜入。張璁曰。雖天子必有母也。焉有子爲天子。母可由旁門入乎。古者婦三日廟見。孰謂無謁廟禮。九廟之禮。后與焉。孰謂太廟非宜入。著大禮

或問上之。○時禮科給事中熊浹奉差在蜀。聞大禮議起。疏言。武宗皇帝臨崩。重念宗社大計。特請慈壽皇太后迎立陛下。先時未嘗育之宮中。立以爲后。如(宋)英宗故事。則興獻王固陛下之父。不得以濮王爲比。而陛下之繼武宗。有祖訓。兄終弟及之文。可據。不得曰。爲人後者爲之子也。如以繼嗣爲人後。陛下直繼武宗爲之後乎。抑追繼孝宗爲之後乎。武宗本無後。而陛下以弟爲之後。孝宗已有後。而陛下又越武宗而重爲之後。無一可者也。今抑帝后之尊稱。附伯叔之疎屬。援不避之嫌。割不容已之愛。人情天理。其

果安乎。夫禮以義起。政由時異。今殊爵顯賞。加以藩
邸。舊人不爲過越。而使至尊至親。獨蒙舊號。虛皇儀
而不展。此臣所謂舛也。興獻王宜稱帝。別立一廟。而
徽號如恭仁康定之例。以示不敢上躋於列聖。加上
慈壽皇太后及武宗皇后徽號。而母妃則尊爲太后。
如慈壽之例。庶繼續之義。報本之恩。並行不悖也。疏
入。與廷和忤。出爲按察司僉事。○命兵科給事中夏
言等查太監張永谷大用馬永成陸閻魏彬昌功所
封張富張容郭大寬谷大亮馬山陸永魏英等世襲
伯爵。及陞都督都指揮數十人。又巧立名色受職者

三千一百九十九人。盡行革去。

冬十二月。閣臣授意吏部。改張璉爲南京刑部主事。
○上加興獻帝后皇號。楊廷和封還御批。願罷歸。上
慰留之。

璉按世宗由興邸入繼大統。與漢定陶王。宋濮王
不同。禮部侍郎王瓚首言之。而張璉繼續非繼嗣
一疏出。大禮已定。無復可疑。楊一清與喬宇書曰
張生此論。雖聖人復起。不能易及。廷和出懇於外
石琦謂璉曰。行矣。第慎之。大禮說終當用也。時給
事中熊浹。主事霍翰。同知馬時中。監生何淵。巡檢
房濬。各上疏如璉議。其後儀賓沈實。長史李錫。經
歷黃綰。千總聶能。皆議與璉合。彼數人者。亦知禮
之在是矣。大臣如楊廷和。蔣冕。毛紀。輩身墮雲霧
中。必欲世宗稱孝宗。爲考。稱興獻王爲叔。興獻王
妃爲叔母。又欲令蓋王次子厚。炫稱獻王爲考。稱
蓋王爲叔。世宗曰。父母可互易。若是耶。迨興獻后

至。延和令從東安門入。如藩妃禮。是不知子無臣
母之義也。世宗獨排浮議。尊父為興獻皇帝。母為
興獻皇后。喬宇。字孝百。官又言稱帝后。不得稱皇夫
漢官以皇曾孫繼孝昭。有司奏請親詣立廟。况武宗世宗
母曰悼后。復奏悼皇宜稱皇考立廟。况武宗世宗
兄終弟及。非為人後者乎。嘉靖三年。張璁之議。卒
行。而何孟春。楊慎等二百二十人。伏左順門。哭聲
震闕。何謂也。抑更有異焉。張璁議大禮是也。而人
皆以為非。恩議削元聖先賢號。謚封爵。黜歷代從
祀孔廟先儒。非也。而人皆以為是。孰是孰非。必有
能辨之者矣。

世宗肅皇帝

諱厚。總。孝宗弟。興獻王佑杭之子。憲宗孫也。武宗崩無嗣。太后迎立

之。在位四十五年。崩。壽六十。葬永陵。

壬午嘉靖元年春正月乾寧宮小室災楊廷和言火

迎清寧後殿豈興獻帝后加稱或有未協者乎上乃

議稱孝宗為皇考慈壽皇太后為聖母興獻帝后為
本生父母。○陝西甘州五衛軍亂殺巡撫都御史許
銘焚其屍御史朱衣言近日言官所進章奏御批有
曰知道了有曰已有旨了夫言知不言行力行之怠
也言有旨而不言是非改過之吝也給事中邵錫言
陛下即位以來詔令既出而即更奏請方行而遂改
邇者內府薪炭官軍俸糧二事部臣屢請不從中官
一言而決舉動如此中外傳駭疏入不報○二月上
孝宗皇后尊號曰昭聖慈壽皇太后皇嫂曰莊肅皇
后武宗復祖母邵貴妃曰壽安皇太后本生父曰興

獻帝母曰興國太后。○加楊廷和蔣冕毛紀伯爵給誥券。○夏四月。巡按陝西監察御史喻茂隆劾奏總兵官李隆以私憾殺巡撫許銘命速勘以聞。○五月。給事中張九叙御史江淵等言陛下御極倫序當然。楊廷和何與定策。太監扶安何與贊襄。駙馬崔元捧符。惠安伯張偉迎護。與藩邸効用諸臣皆其常職。何足為功。乃晉秩及於爛羊爵賞。輕於敝袴。封廕至五十三人。非所以示天下也。於是廷和等皆辭封從之。

○六月。南京吏部尚書王華卒。華字德輝。浙江餘姚人。成化十七年狀元。才識宏遠。操持堅定。劉瑾請一見不可得。其子守仁疏救。蕙鏡。溥彥徽。忤瑾。死。華請龍場驛丞。而瑾素敬。

慕華不敢加害。世宗即位。推功進華伯爵。年七十七而卒。○南京禮部尚書章懋

卒。懋。蘭谿人。成化丙戌會元。志行高潔。潛心理學。家居二十年。有難進易退之節。卒謚文懿。金華知府。

王九華。奏其遺孤寡困。乞優恤。○秋九月辛未立皇

后陳氏。馮臚寺卿陳萬言之女。

冬十一月庚申壽安皇太后邵氏崩。憲宗邵貴妃。興獻王之母也。

癸未二年春正月論從龍功。廕已故太監趙山養子

趙雲為錦衣衛指揮。楊聰養子楊倫。丘清養子丘麒

為南京守備。戴義從子戴錦。戴俊。張欽養子李賢。皆

以為世襲。指揮兵部尚書彭澤科臣夏言等爭之。不

聽。○給事中史道外補僉事。疑為楊廷和所指使。遂

上疏言延和在正德朝不能力爭。今於興獻帝一皇字。一考字。乃欲以去就爭之。上以道挾私妄奏。逮治。廷和言道有老母。迎養京邸。請曲賜矜全。出道於獄。以慰其母。上曰。卿奉公任怨。具見休休有容之量。俟鞫問明白。自有處分。尋謫史道為涇縣縣丞。

二月會試。以太學士蔣冕吏部尚書兼翰林院學士石寶充考試官。取李舜臣等四百人。○三月廷試。賜姚涑王教徐階等進士及第。出身有差。○秋九月。刑部尚書林俊乞致仕。從之。太監崔文有所養李鳳陽。治之。文誣俊抗旨。恃勢橫索役夫。工值。俊將上怒。俊遂致仕。○永福長公主。憲宗妹也。將以十

月下嫁蔡震。時邵太后服未小祥。又禮官上儀注。駙馬當四拜。公主坐受其二。科臣安槃言。唐新城公主適長孫詮。于志寧以太宗服未除為言。高宗從之。且駙馬尚主。而公主坐受其拜。夫婦之禮亦乖。宜酌裁。以復古道。不聽。○冬十一月。少師吏部尚書華蓋殿大學士楊廷和致仕。

五星聚于營室

甲申三年春正月。五星聚於營室。○南京刑部主事桂萼上正大禮疏。言皇上入繼大統。非為人後。當考興獻帝。母興國太后。并錄都御史席書吏部員外郎方獻夫二疏以聞。下廷臣集議。

南京諸郡大水人相食

巡按御史朱衣言民迫饑餒寡婦劉氏食四歲小兒百戶

上臣姚堂以子鬻母軍餘曹洪以弟殺兄王明以子殺父地震霧塞其彌千里閩廣青齊豫楚間所在盜起江洋盜艘千數上命戶部侍郎席書發帑載漕賑饑民命操江伍文定捕盜 ○二月大理

卿鄭岳言臣勘事陝西見太行山形西倚潼關東繞

懷衛北極燕冀水皆東注南入於海盧易滹沱琉璃

漳洛衛泌澗瀍其大者也宜令瀕水開田築堤鑿渠

以時蓄洩數年之後皆為沃壤矣戶部侍郎王承裕

覆議行之 ○夏五月前戶部尚書武英殿大學士王

鏊卒

鏊字濟之吳縣人鄉會皆第一成化十一年廷試第二正色立朝以忤劉瑾罷政家居嘉靖初

勅使存問鏊因疏言講學親政二事詔報曰卿輔佐先朝志存匡救朕生藩邸已知卿名新政之初方將

起用覽奏具悉忠愛至意詔未下 ○六月以張璁桂

而鏊卒年七十五贈太傅謚文恪

萼方獻夫為翰林院學士少傅蔣冕致仕以吏部尚

書掌詹事府石瑤為文淵閣大學士 ○時朝臣多附

楊廷和前議力攻張璁桂萼方獻夫之非疏皆留中

徐文華倡言必以孝宗為皇伯考矣吏部右侍郎何

孟春日憲宗時議慈懿太后

英宗皇后葬禮尚書姚夔率百官伏哭文華門此我朝故事也修撰楊慎

之子正德六年狀元曰國家養士百五十年仗節死義正在今

日遂會羣僚於金水橋俱跪伏左順門大呼高皇帝

孝宗皇帝聲徹大內上使司禮監諭之退不聽命錄

為首者學士熙豐給事中張翀等八人下獄楊慎等
 乃撼奉天門大哭哭聲震闕上怒逮何孟春等二百
 二十人為首者戍邊四品以上奪俸五品以下杖杖
 而死者十有七人按典獻典禮主楊廷和議者毛澄
 蔣冕朱希周汪俊毛紀靳貴何孟
 春又有尚書楊旦金獻民顏頤壽沈東魁李嗣充翟
 文奎夏良勝侍郎陳鳳梧王元正吳一鵬余寬趙璜
 俞琳賈詠學士熙豐少卿胡侍徐文華修撰唐臯楊
 維聰姚涑編修許成名崔桐邊惠金臯王相張璧檢
 討劉濟安磐張漢卿張源王時柯給事中毛玉曹瓌
 張翀鄧繼曾李曾裴紹賢御史鄭本公朱浙馬明衡
 朱寔昌吉棠段續陳相余翺胡瓊張日韜馬理郭柟
 郎中余才党以平丁汝夔江必東黃待顯陶滋相世
 芳楊維賢員外郎林惟聰薛蕙季本陳近張燦申良
 主事侯庭訓臧應奎鄭曉王國光許瑜余禎安壘殷
 承叙大理寺正母德純評事韋商司
 務李可登皆以議禮不合治罪有差

秋八月詔旌晉府西河王奇溯孝行初太妃病渴王
 祝天甘泉湧出飲之而愈太妃卒王哀毀骨立宮墀
 古栢生花異香襲人人以為孝感○以吏部左侍郎
 兼翰林院學士掌詹事府賈詠為禮部尚書文淵閣
 大學士○大同軍亂殺巡撫僉都御史張文錦詔以
 山西按察使蔡天祐為大同巡撫大祐擒首惡徐瓊
 郭子巳焦亞雲等
四十二人○九月武定侯郭勛會同張璉席書桂萼
 亂軍始定等六十四人上言三代之法父死子繼兄終弟及孝
 宗有武宗為之子不宜更立皇上為後人無二本孝
 宗伯也宜稱皇伯恭穆獻皇帝曰皇考章聖皇太后

曰聖母詔諭天下

陳建曰衛出公不父其父而禰其祖故孔子以正名為先今武宗無嗣兄終弟及豈可謂為人後者為之子。上同濮議哉善平方獻夫之言曰臣非敢謂宋人濮議不是。今昔之事不同也。宋仁宗嘗育英孝宗有武宗為之子其不同一也。宋仁宗嘗育英宗於宮中立為皇子。皇上未嘗育於孝宗其不同二也。宋濮王有衆子。獻皇帝止生皇上一子其不同三也。愚謂此事最易明白而舉朝昧昧者有說焉。一謂孝宗不可無嗣也。而不思無嗣者武宗非孝宗也。一謂昭聖迎立之恩不可不以母事也。而不思迎立公也。毋以報之私也。一謂事君之道不可迎合。君以為為可。吾必以為為否。而不思陷吾君為無父之君也。明乎繼統非繼嗣之說則名正言順。而天下之為父子者定矣。

冬十二月遼東妖人李真聚衆入山海關殺守關主

事王冕

乙酉四年春三月建獻皇帝廟

是為世廟

○秋七月辛卯

上奉章聖皇太后謁世廟先是上諭輔臣曰聖母欲

謁世廟卿謂何如費宏對曰國初禮制皇后謁太廟

永樂時改謁奉先殿上問張璁桂萼對曰唐開元禮

有皇后廟見之文國初皇后謁太廟命婦陪侍永樂

時止謁奉先殿非祖制也皇太后皇后宜先見太廟

次謁世廟宏曰璁萼所引開元禮不可為法國初禮

文未備如從二臣言是彰祖宗之闕也席書曰高皇

帝準廟見禮為大婚冊后之制未及施行復定冊后

止謁奉先殿璁所引皆婚禮今行大祭禮不可附會

章聖皇太后宜謁觀德殿。以守祖法。魏萼曰。周禮宗廟之祭。王服袞冕而入。立東序。后服副禕而入。立西序。九獻各四拜。是天子與后共承宗廟也。今復古禮。未爲不可。宏等不能難。乃請上奉太后行謁廟禮。從之。

冬十一月進提督陝西軍務少傅楊一清爲少師。武英殿大學士。○太監梁棟請採珠寶。戶部尚書秦金奏言。廣東雲貴地方頻年被災。民不堪命。請停採取。不聽。○太監李能請權山海關之稅。以備邊。秦金言。關以詰姦。非以權稅。嘉靖元年奉詔盡革。而更開刊。

門乎不聽。○十二月上。謂侍臣曰。朕觀唐書見宦官李輔國。程元振。魚朝恩輩。皆恃功驕恣。然代宗去之甚易。惟在人君斷與不斷耳。漢末宦官尚無兵權。不過假人主之名。濁亂四海。至唐世以兵授之。遂劫脅天子。廢立在其掌握。使無威福可以動人。豈能爲慮哉。○進費宏少師。謹身殿大學士。石琚賈詠並太子太保。武英殿大學士。

丙戌五年春正月上。製詠春詩。命輔臣費宏和。仍親序其端。名曰詠春。同德錄。○二月會試。以大學士賈詠詹事府詹事。董玘充考試官。取趙時養等三百人。

○致仕戶部尚書韓文卒文。字道貫。山西洪洞人。成化二年進士。授工科給事中。

汪直逮文。考訊幾死。出為湖廣叅議。歷官至南京兵部尚書。弘治中入為戶部尚書。正德初劉瑾矯詔逐文歸里。復逮至京下獄。罰米一千石。押赴大同交納。破產不能給。終正德朝杜門家居。世宗即位。首詔召文時年八十一矣。以老疾力辭。復遣行人賈璽書存問。加太子太保。月給祿米。制詞有云。起文彥博於九秩之餘。人心攸屬。繼韓魏公於百代之後。家慶彌長。卒年八十六。贈太傅。諡忠定。其所撰集有拙菴奏議歸田錄。

○三月廷試賜龔用卿楊維傑歐陽衢等進士

及第出身有差。○夏六月進費宏華蓋殿大學士。楊

一清少師謹身殿大學士。石珪賈詠並進少保。○秋

八月上御書法祖安民奉天行道福善禍淫十二字。

頒示羣臣。○九月致仕刑部尚書符俊卒。後字待用。莆田人。成

化十四年進士。為刑部員外。即抗疏論妖僧繼曉之

罪。憲宗大怒。繫獄。廷杖。謫姚州判官。弘治中起。僉都

御史。巡撫江西四川。皆有平賊功。正德中致仕歸。世

宗即位。起為工部尚書。改刑部。侍經筵。尋以太監芮

景賢受民詞狀。蔣皇親恃寵殺人。皆執法論罪。世宗

不悅。曰。着林俊回話來。俊即而奏曰。臣官至尚書。天

子無故。不呼名。臣為陛下守法。而以名呼。何罪。且法

者。祖宗之法。陛下安得私。辭嚴色厲。聲振殿陛。上大

怒。罷朝。明年改戶部。加太子少保。查勘正德朝所占

民田地。為皇莊者。盡行給主。復掌刑部事。為太監崔

文所嫉。遂致仕去。年七十六卒於家。世宗以後議大

禮時。附楊廷和。奪其官。隆慶初。追謚貞肅。後任官垂

五十年。不愛官。爵不趨。權勢正色立朝。難

進。易退。尤好汲引士類。人比之范仲淹云。

冬十月上製敬一箴。頒示羣臣。

丁亥六年春二月少保武英殿大學士石珪致仕。以

少保席書為武英殿大學士。尋卒。

贈太傅。謚文襄。○致仕禮

部尚書。○致仕禮

部尚書。○致仕禮

部尚書。○致仕禮

部尚書。○致仕禮

部尚書。○致仕禮

部尚書。○致仕禮

部尚書。○致仕禮

部尚書邵寶卒

寶字國賢無錫人成化二十年進士文學吏治卓冠一時正德初為劉瑾

所嫉致仕歸瑾誅起貴州巡撫遷戶部侍郎歸養召

為禮部尚書不起嘉靖初再召再疏力辭至是卒贈

太子太保謚文莊寶嘗言願為真士

夫不願為假道學人稱二泉先生

○夏四月大學士費宏致仕以禮部右侍郎翟鑾入閣辦事○六月

總督兩廣軍務都御史姚鏌討田州叛逆土官岑猛

歸順知州岑璋斬猛首馳獻軍門惟逆黨盧蘇王綬

未獲已而復叛御史石金誣奏謾輕信寡謀安攘無術上怒落鏌職

起新建伯王守仁為兵部尚書總制兩廣及江西湖

廣軍務

上聽講大學衍義製五言詩并序大學士楊一清等

翊學詩

應制成集名曰翊學詩○秋八月命吏部左侍郎桂

萼署刑部事兵部左侍郎張璠署都察院事少詹事

方獻夫署大理寺事釋獄囚李福達治御史馬錄等

罪福達山西寧縣人初從妖賊王良謀反遣戍山丹

衛逃還改名李五清軍御史勾發山海衛復逃至

陝西洛川縣借彌勒佛教由是致富縣民邵進祿等

從之福達誑進祿等聚眾以待而自還山西進祿等

事露遂反久之捕獲供稱李五首謀福達聞之竄居

五臺縣改姓名曰朱寅往來大同之同戈鎮挾重貲

赴京入匠籍餉粟為太原衛指揮自言能煉丹藥出

人武定侯郭勛家其警薛良徐溝人也首發寅姦狀

達求免錄不從。上其事於法司。於是左都御史聶賢等奏福達挾妖術煽亂郭勛交逆賊納賄行囑直並坐得旨如奏。令勛對狀。勛具服謝罪。上特原之。給事中程輅常泰等御史馬錄巡撫江潮各請論勛如律。上令逮福達來京審問。逮至刑部尚書顏頤壽等於是午門外會訊。告者薛良衆証李景全等並指福達卽是張寅寅語塞。訊戚廣何以証薛良爲証。告廣云我未就吏安得此言。頤壽等取供奏聞。上疑頤壽偏徇命覆勘刑部土事。唐樞言福達罪狀甚明。擬死。不任。上怒。黜樞爲民。頤壽等懼。指爲疑獄。上大怒。逮馬錄下鎮撫司掠治。一時論救諸臣皆逮繫。并下頤壽等於獄。命張聰桂萼方獻夫署三法司事。羅治之。萼等搜馬錄篋中。有大學士賈詠御史張英都御史張仲賢大理寺丞汪淵畏避言官。推勸不實。太僕寺卿汪玄錫光祿寺少卿余才。逞忿橫議。吏部侍郎孟春工部侍郎閣構。都御史張仲賢。交通私書。各革職。知州杜憲胡偉下。巡按御史勘問。巡撫畢昭與張寅父子俱免罪。還職。役馬錄故人。人死罪未決。發烟瘴地。面承遠充軍。其陸續逮至者。給事中常泰。員外郎劉仕充軍。大理寺副杜鸞御史高世魁。汪淳。姚鳴鳳。刑部員外郎陞僉事司馬相。俱爲民。僉都御史張潤。御史陞太僕寺少卿張英。南京滿任御史戚雄。俱開住。

分充軍。遇赦不行。給事中劉琦。御史程啓。充盧瓊。揆私彈劾。充軍。給事中王科。張達。秦祐。沈漢。鄭一鵬。程輅。扶同。妄奏。俱爲民。刑部尚書顏頤壽。侍郎劉王。王啓。都御史江潮。劉文莊。大理寺卿湯沐。少卿顧泌。寺丞汪淵。畏避言官。推勸不實。太僕寺卿汪玄錫。光祿寺少卿余才。逞忿橫議。吏部侍郎孟春。工部侍郎閣構。都御史張仲賢。交通私書。各革職。知州杜憲。胡偉下。巡按御史勘問。巡撫畢昭。與張寅父子俱免罪。還職。役馬錄故人。人死罪未決。發烟瘴地。面承遠充軍。其陸續逮至者。給事中常泰。員外郎劉仕充軍。大理寺副杜鸞。御史高世魁。汪淳。姚鳴鳳。刑部員外郎陞僉事司馬相。俱爲民。僉都御史張潤。御史陞太僕寺少卿張英。南京滿任御史戚雄。俱開住。

進楊一清華蓋殿大學士賈詠致仕以掌都察院事兵部

左侍郎兼翰林院學士張璠爲禮部尚書文淵閣大

學士

大學士楊一清上京營六事一兵部職重事繁宜另設都御史一員專管營務一坐營官宜選各邊閒將曾經戰陣者一各營宜通行簡閱選勇健及武藝精熟者爲戰鋒專備征調次者備守禦老弱汰革一軍士操練勿沿舊規宜使熟知號令人人習於進退之度擊刺之法簡精熟武藝者一二人爲師聽其教習責以成效一營軍強壯殷實者多出錢營求躲避凡有征發皆係貧軍又管隊官恣意科歛軍心憤怨宜加禁飭一京營馬匹止給羸弱老疾之馬隨給隨斃計一年全支草料三個月餘月折銀又甚短少軍貧

馬饑不死何待宜量爲增補仍稽其倒失數目覈其朋椿銀兩則有裨於營務不淺也

張璉疏言各省鄉場請照兩京例命京官爲主考從之

戊子七年春二月給事中陸粲言陝西河套本吾地國初設東勝衛以控扼之後棄於敵其寧夏花馬池至靈州尤爲敵衝地勢平行無險可恃邊墻低薄濠塹淺隘敵每擁衆深入正德初穆一清總制陝西欲將延綏定邊營迤東石撈池至寧夏橫城三百里內邊墻增築高厚僅築四十里爲劉瑾阻撓而止今議

者多言邊地風沙版築易壞然一清所築墻四十里
經今二十年屹立如故此其證也。上命如一清初議
築之勿靳費

夏五月北直山東河南山西陝西天旱。詔求直言楊
一清上疏曰今日之務在省事不在多事。在守法不
在變法在安靜不在紛更在寬厚不在煩苛其要則
在舉賢才以充任使收人心以固邦本。求直言以防
壅蔽而已。○提督兩廣軍務王守仁討平廣西叛蠻
捷聞桂萼忌之論守仁挾詐專兵。霍韜上疏曰伏遇
聖明特起王守仁撫勦田州臣廣東人與賊隣壤備

知各賊爲患命下之日竊爲守仁計曰前巡撫調三
省兵若干萬軍餉支費若干萬殺死疫死民兵若干
萬僅得田州安靖五十日自是而思思叛矣弔巖賊
出圍肇慶矣殺數千家矣若守仁乘此大壞極敝之
後雖合四省兵力支銀米數百萬勦平報級亦且曰
天下大功也而守仁不役一卒不費斗糧只宣揚聖
德遂令稽首來服若八寨斷藤峽之賊又非田州思
思可比廣西在萬山之中土惡水迅氣習凶悍八寨
賊洪武間所不能平斷藤峽賊成化初僅得討平餘
孽復熾今守仁沉機不露掩賊不備一舉蕩平百數

守仁撫
勦有八
善

十年虎豹窟穴掃而清之如拂塵然臣是以歎服守仁能體陛下之仁以懷綏思恩田州向化之民能體陛下之義以討服八寨斷藤峽梗化之賊謹按守仁撫勦得宜有八善焉乘湖兵歸路之便則兵不調而自集一也因田州思恩效命之助則勞而不怨二也機出意外賊不及遁所誅者真積年渠惡非往時濫殺報功者比三也因歸師以討逆賊無糧運之費四也不役民兵不索民馬一舉成功民不之擾五也平八寨斷藤峽則極惡者先誅其細小巢穴可漸施德化使去賊從良六也八寨不平則柳慶諸州未易綏

靖八寨平則漸次撫勦兩廣之民可安生業七也昔韓雍雖平斷藤峽未及區畫其地爲經久之計今守仁徙建城邑以鎮定之賊失其險化頑爲良得因勢順導之利八也或議守仁討八寨未奉詔命臣則曰昔吳楚攻梁景帝詔周亞夫救梁亞夫不奉詔而絕吳楚糧道卒平七國夫不奉詔大罪也景帝不以罪亞夫今守仁知田州思恩可以德懷遂納其降知八寨諸賊百年來未易服遂攻其不備而討平之雖無詔命先發後聞可也或又以爲不先奏聞而輒更置城邑臣則曰昔范仲淹守西邊欲築大順城慮夏人

爭之乃先具版築然後巡邊急速興工一月成城西
夏聞而爭之已無及矣爾時仲淹若俟奏報豈不敗
事今守仁既平八寨乘此機會建置城邑招逋逃之
賊使之復業若撤兵而歸俟奏得旨方興版築使賊
先得糾聚據險結寨以抗我師雖欲築城不可得矣
錢糧夫役固不仰足於戶部而以一肩分聖明南顧
之憂不以爲功反以爲罪可乎傳曰闡以外將軍制
之又曰大夫出疆苟可以安國家利社稷專之可也
况有便宜行事之旨乎守仁擒宸濠姦臣許泰等欲
掩其功揚言守仁初與賊同謀又謂宸濠金帛守仁

滿載以去當時閤臣亦忌守仁之功不爲辯白臣謂
守仁江西之功不自無以勸効忠之臣廣西之功不
自無以勸策助之臣守仁大臣也豈以功賞有無爲
重輕哉第恐當時有功之人及守官立功之人視此
解體則在外鎮臣遂無所激勸矣臣冒昧建言伏惟
裁察不報○六月明倫大典成進張璉少傅吏部尚
書謹身殿大學士璉既秉政盡革天下鎮守太監民
慶更生○秋七月吏部侍郎湛若水進所撰格物通
要一百卷○冬十月丁未皇后陳氏崩○進謝遷吏
部尚書謹身殿大學士○國子監祭酒魯鐸卒特諭

明倫大
典成
盡革天
下鎮守
太監

祭葬謚文恪

故事四品官無謚持賜謚重清節也

○閏十月册順妃張

氏為皇后○是歲致仕大學士石琯卒

琯字邦彥藁城人成化二

十二年進士弘治朝以諭德侍經筵正德初為南京國子監祭酒有師範五年改北監十六年進禮部尚書兼大學士管誥勅嘉靖初改吏部尚書時首相楊廷和當權琯不肯阿附廷和不悅命琯掌詹事府三年進文淵閣大學士四年進少保六年致仕卒年六十四初謚文隱改謚文介天下稱賢相八

己丑八年春二月新建伯南京兵部尚書叅贊機務

兼都察院左都御史王守仁卒於南安贈侯謚文成

守仁字伯安浙江餘姚人父華狀元及第仕至南京吏部尚書劉瑾請一見竟不可得因罷官去守仁中弘治十二年進士正德初除武選司主事忤劉瑾廷杖五十謫貴州龍場驛丞瑾伏誅補選至愈都御史巡撫南贛討平群盜擒寧王宸濠世宗即位論功封新建伯不與鐵券歲祿六年命討田州叛蠻平之又

討平八寨諸賊等以病歸上謂守仁未經奏請擅離重地無人臣禮又學術事功多有可議命廷臣集勘大學士桂萼曰守仁事不師古言不稱師欲立異以為名則非朱熹格致之論知衆論之不與則著晚年論定之書號召生徒互相倡和其門人為之辨謗至謂杖之不死投之江不死幾於無忌憚矣若剿捕逆濠其功足錄宜免奪伯爵以彰大信申禁邪說以正人心從之

王世貞曰陽明以書生封伯贈侯又以勳臣得謚文成又以侯伯從祀孔子廟廷文武勲德為本朝冠○周珪曰自周孔道遠而專以訓誥著述論理學是理學之棟樑也獨王伯安以理學名家而功業氣節卓爾不群夫豈徒事章句者哉宜學者仰之如泰山北斗也○璘按新建江西之功厄於江彬許泰兩竇之功厄於桂萼武宗世宗魯衛之政也而理學文章光焰萬丈又豈悠悠之口所能論哉定

二月會試以大學士張璁詹事府詹事霍韜充考試

官取唐順之等三百人。○三月廷試賜羅先程文德揚名等進士及第出身有差。○原任大理寺評事林希元上荒政叢言其言曰救荒有二難得人難審戶難有三便極貧民便賑米次貧民便賑錢稍貧民便賑貸有六急垂死貧民急餽粥疾病貧民急醫藥病起貧民急湯水已死貧民急埋瘞遺棄小兒急收養輕重繫因急寬恤有三權權借官錢以糶糴權興工作以助賑權貸牛種以通變有六禁禁侵漁禁攘盜禁遏糴禁抑價禁宰牛禁度僧有三戒戒遲緩戒拘文戒遣使上以其切於救民皆從之。

秋七月以少保吏部尚書兼翰林院學士桂萼爲武英殿大學士。九月少師吏部尚書華蓋殿大學士楊一清致任。

冬十一月陝西僉事齊之鸞言臣自七月中由舒霍逾汝寧目擊光息蔡潁間蝗食禾穗殆盡及經潼關晚禾無存流民載道偶見居民刈獲喜而問之曰蓬也有綿刺二種其子可爲麵饑民仰此而活者五年矣見有以蓬麵食者取嘗之螿口澁腹嘔逆移日小民困苦如此謹將蓬子封題賫獻伏乞頒示臣工使知民瘼。

庚寅九年春二月皇后親蠶於北郊祭先蠶○夏六

月大明集禮書成○秋八月致仕大學士楊一清卒

一清字應寧其先雲南人自湖廣徙居丹徒成化八年進士正德朝始終為劉瑾江彬所嫉以武英殿大學士謝病歸嘉靖四年經畧陝西召為華蓋殿大學士進少師八年一清言張璉桂萼罪狀禮部尚書霍

韜列奏一清二十四罪遂致仕一清盡心奉國為人

所排擊家居鬱鬱不樂疽發背而死二十七年追贈

太保謚

文襄

冬十月致仕兵部尚書伍文定卒

文定湖廣松滋人弘治二年進士知

河南府調吉安佐王守仁擒宸濠有功陞江西按察

使進右副都御史嘉靖初提督操江四年引疾歸七

年雲南有鳳朝安銓之亂起文定兵部尚書兼右都

御史提督雲貴川廣等處軍務未入境賊平召還提

督京營因乞致仕歸

改稱孔子為先師易像為主籩豆十。佾舞六罷從祀

申黨公伯寮秦冉顏何荀况戴聖劉向賈逵馬融何

休王肅王弼杜預吳澄進后蒼王通胡瑗歐陽修陸

九淵從祀。林放蘧瑗鄭玄盧植鄭眾服虔范甯祀於

鄉

十二月桂萼致仕

先是科臣陸粲言張璉雖狠腹自

寬迂中實陰刻忮忍之毒一發於心如蝮蛇猛獸犯

者必死宜速加誅歲上令璉萼俱致仕會霍韜列奏

楊一清二十四罪為璉萼訟寬上勅令一清

致仕而追還璉萼復其官至是萼復致仕

辛卯十年春止月上改張璉名字敬字懋恭御書賜

之○詔吏禮二部循洪武十九年以後弘治十一年

三途並用

以前例三途並用務在得人。以稱朕用賢之意。○三

月致仕兵部尚書胡世寧卒。世寧字永清浙江仁和人弘治六年進士為刑

曹屢陳時事得失及備兵江西疏言寧王宸濠恣橫政令不出自朝廷時世寧已陞福建按察使歸省宸濠命其黨御史潘鵬巡按浙江發卒捕世寧世寧自

投獄掠治無所得仍行江西會勘坐離間親王罪死言官交章論救請戍遼東宸濠敗起世寧戍中嘉靖

六年以左都御史加太子太保提督京營致仕卒於家贈少師謚端敏世寧別歷中外多所建白其議大

禮是張璵桂萼而立朝殊與抵牾人稱名臣大節云

夏五月旱。○六月以少保吏部尚書兼翰林院學士

方獻夫為武英殿大學士。○閏月雷震午門西角樓

○張孚敬致仕。○秋九月以太子太保禮部尚書兼

翰林院學士李時為武英殿大學士。○無逸殿商風

亭成書無逸篇於亭中。○冬十一月遣行人召張孚

敬

壬辰十一年春二月進張孚敬華蓋殿大學士。○會

試以詹事府少詹事兼翰林院學士張鴻翰林院侍

讀學士郭維藩充考試官取林春等三百二十人。○

三月廷試賜林大欽孔天胤高節等進士及第出身

有差。○秋七月彗星見東井。東北行歷天津掃太微

垣。詔群臣修省。○刑部主事李瑜言劉基子孫宜襲

封從之。并求常遇春李文忠湯和鄧愈後。○八月張

孚敬致仕。尋召○九月歷代帝王廟成。○以汪鉉為

明世宗紀

吏部尚書

冬十月翰林院編修楊名上疏言汪鋈小人之尤郭
勛姦回之首而陛下用之是偏於喜也言官終於廢
棄是偏於怒也且工作不可屢興禱祀不可屢舉上
怒收名械訊究主使之入兵部侍郎黃宗明疏救上
益怒曰宗明即主使之入并鞫之名戍邊宗明調外
任○御史馮恩上疏曰張孚敬之姦久露汪鋈方獻
夫之姦不測陛下去張孚敬而不去此二人天下事
未可知也臣謂字敬根本之彗也鋈腹心之彗也獻
夫門庭之彗也乞斬三姦以應更新之象上怒下恩

獄即訊

時汪鋈欲殺恩張孚敬曰不可姑縱之入當
自敗耳遂得長繫及朝審鋈以太宰東向坐

恩向闕跪鋈令番卒搜之西向恩乃起僵立曰汝能
殺我乎死當為厲鬼以殺賊鋈曰吾且殺汝俟汝為
厲未晚也且汝自負氣節獄中受諸醜遺氣節何在
恩曰患難相恤義固當然獄中死囚豈有官爵鬻人
而婪其貨乎汝受某金擢都憲受某玉珪起廢罪可
擢髮數邪鋈起欲以手批之為同僚所阻遂判云情
真應決都御史王廷相曰我朝不殺言官安可作備
上微聞其語是歲免行刑恩母吳氏擊登聞鼓聲冤
子行可請以身代父死皆不報十三年冬行可於長
安街刺血書疏自縛闕下通政使陳經見而憐之為
引奏上曰忠孝乃出一家於是行減死戍雷州○四川巡撫朱滄獻白兎

癸巳十二年春正月進張孚敬少師方獻夫致仕○

河南巡撫吳山獻白鹿○夏四月應天巡撫陳軾獻

白兎○總兵官張輓奉勅赴薊鎮奏言鎮分四路而

密雲一路切近黃花鎮渤海所天壽山諸陵外薄寇
巢距京師馬行不過一日本鎮地廣兵少不敷戰守
其潮河川古北口乃殘元歸路廣可千騎並驅尤宜
加備近者三衛乘隙竊發道路益闕萬一勾引北寇
擁衆深入卽徵調人馬難於策應願及今預飭防禦
謹陳便宜六事一補缺伍二選丁壯三增墩臺四嚴
哨探五併村落六空院寃從之

秋八月皇第一子生

是爲哀冲太子

○九月以少師張孚敬

攝都察院事孚敬言御史糾彈諸司而差出御史有
不法者亦聽按察司糾彈臺諫不得挾私報仇上曰

此祖制也○大同兵變總制張瓚撫定之

北寇渡河大同總兵

官李瑾議於天城左浚濠四十里以遏敵騎而工程
苛急役卒王保等殺瑾巡撫潘倣疏言鎮臣激變請
置勿問總督劉源清請討之兵部尚書王憲議討首
惡者勝從源清至陽和下令討賊五堡皆懼源清親
率甲士三千往捕而所捕者皆捕賊之人也又大殺
五堡軍民於是亂兵城守益堅朝廷以江桓爲總兵
樊繼祖爲巡撫張瓚爲總制瓚至下令毋攻城守城
卒登陴詎曰我等非殺主帥者畏死自保耳瓚令隨
征主事楚書入諭用兵非朝廷意速獻首惡餘皆免
死是夜城中諸卒斬倡亂三十人首級獻軍門繼祖
入城撫諭賑濟瓚至將士以次上謁城中大定事聞
源清削籍潘倣以原官休致張瓚樊繼祖楚書賞賚
有差○壽寧侯張鶴齡弟建昌侯張延齡以睚眦殺人

爲指揮司聽所告下刑部鞫實延齡論死鶴齡削爵

鶴齡延齡慈壽
皇太后后弟也

明紀輯畧 卷七
甲午十三年春正月廢皇后張氏立德妃方氏爲皇后

夏四月科臣董懷理言國初軍餉倚辦屯鹽今屯田不興其弊有四胡馬充斥疆場戒嚴時不能耕也牛種不給力不能耕也丁壯流亡人不能耕也套爲敵有敵居內田居外勢不能耕也管屯者按籍催徵非扣除月糧則照丁賠補請令各邊撫按親歷相度或創衛所或增墻垣或募新軍或徙附近給以牛種待開墾成熟然後收租安邊足用無踰於此鹽法大壞其難有六開中不得米價騰貴召糴難也勢豪大家

專擅利權報中難也官司科罰吏胥侵索輸納難也定價太昂利不償本取贏難也下場挨掣動須數年守支難也私鹽四出官鹽壅滯市易難也司鹽者因設餘鹽以佐之餘鹽利厚商固樂從然不以給邊而以解部何益軍需故欲通鹽法必先設餘鹽欲設餘鹽必多減正價正價減則私鹽自息私鹽息則正鹽自行正鹽價輕既利於商餘鹽收盡又利於竈兩利而國課充矣上不能用

乙未十四年春正月莊肅皇后崩。武宗后也謚曰孝靜莊肅惠安皇后

二月會試以翰林院侍讀學士張壁侍講學士蔡昂
充考試官取許穀等三百二十人○三月廷試賜韓
應龍孫陞吳山等進士及第出身有差○夏四月少
師張字敬致仕詔費宏入閣

秋七月禮科給事中田秋言貴州諸生附試雲南道
里艱阻請就本省開科因定解額雲南四十人貴州
二十五人

九月遼東兵變巡按御史曾銑撫定之傳例遼東衛
所每一軍給
餘丁三人每一馬給收田五十人巡撫呂經檄行清
軍每軍給餘丁一餘悉編入從冊並收馬田召佃徵
田諸軍怨之經巡邊檄將吏並城築圍密墩臺將吏
督工嚴急諸軍大噪擁經乞罷工免馬田和經中軍

劉尚德執譚者將營之眾爭起毆尚德經倉皇踰垣
走匿苑馬寺中諸軍焚徭役簿籍盡閉諸城門出故
游擊將軍高大恩於獄欲奉以為主尋聞苑馬寺搜
得經裂其衣冠執付都司王傑總兵劉淮以狀聞兵
部請令巡按御史會同總兵官查勘值御史曾銑按
部聞變即出榜招安凡經所措置不便於軍民者悉
罷之於是亂軍稍就約束城門始開高大恩自投於
獄銑乃奏高尚德李越等逢迎呂經失撫字狀為軍
士乞原朝議陞都察院左僉都御史韓邦奇為右副
都御史巡撫遼東召呂經回經得報還入廣寧治裝
中軍都指揮袁璘素諳事經欲扣諸軍月糧草價為
經餽贖軍卒於蠻兒等不從出獄囚張孝兒率眾入
院執經數之曰非爾汰我餘丁徵徭役銀邪非爾奪
我牧馬田邪爾復能虐使我築墻種樹邪毀膚拔髮
課置衛獄取妓女一人與經同桎梏之據守五門舉
火焚經囊篋延燒院署出呂經袁璘囚首遊街且行
且批其頰窘辱備至隨復繫獄詔止邦奇毋行命山
西巡撫任洛巡撫遼東而以邦奇代洛巡撫山西又
命工部左侍郎林廷楫往勘是時撫順城備禦指揮
劉雄以培克欲怨為部卒王純等所囚又遼陽叛卒

趙剽兒等聞廷樞將至遂與於蠻兒等合密結獄囚
王呆劉向上為逆謀銑知之潛授方畧於副將李鑑
指揮韓承恩等剽期擒捕於是剽兒等四人蠻兒等
十三人王純等七人同日捕獲事聞剽兒蠻兒王純
等論斬尚德璘雄
充軍經革職開住

吏部尚書汪鉉罷○冬十月錄平遼陽廣寧功陞曾

銑大理寺丞

丙申十五年春正月鑄審錄關防十五顆給恤刑官

○三月上詣天壽山謁陵○夏四月癸丑上還京○

秋九月改謚悼靈皇后曰孝潔世宗陳皇后也遷主於奉先

殿西室○上如天壽山是月還京

進李時少傅謹身殿大學士○冬十月戊子皇第二

子生是為莊敬太子

十一月致仕少師費宏卒

十二月進李時華蓋殿大學士以少傅禮部尚書兼

翰林院學士夏言為武英殿大學士

丁酉嘉靖十六年春正月皇第三子生康妃杜氏出是為穆宗莊

帝○上幸金山建行宮○夏四月上還京○安南國

奏稱貢使不通由莫登庸謀為不軌阻截道路請討

之上遣官勘覆○五月雷震謹身殿○秋八月雲南

巡撫汪文盛與黔國公沐朝輔募國蠻刁鮮訶察莫

登庸情罪虛實獲其謀者阮景等八人偽印一顆偽

大誥一册奏聞上曰登庸篡立偽作大誥罪不在赦其議討之

戊戌十七年春二月上如天壽山○會試以太子太保禮部尚書掌詹事府顧鼎臣吏部左侍郎掌翰林院事張邦奇充考試官取袁燁等三百二十人○三月廷試賜茅瓚等進士及第出身有差

秋八月以顧鼎臣為文淵閣大學士○吉囊犯河西總制劉天和遣兵擊走之加天和兵部尚書○九月少追尊文皇帝為成祖獻皇帝為睿宗○冬十二月少博華蓋殿大學士李晴卒晴字宗易在丘人弘治壬戌科進士卒於官贈太保

追尊文皇帝為成祖

諡文康是月癸卯章聖皇太后蔣氏崩

己亥十八年春正月冊立皇次子為皇太子○進夏言少師顧鼎臣少保武英殿大學士

上諭禮部朕欲躬詣承天府視顯陵擇二月十五日啟行

二月以方士陶仲文初名典真為神霄保國宣教高士仲

文師事致一真人邵元節時元節病不能從乃薦仲

文上命吏禮二部給勅印○致仕少師張孚敬卒孚敬

初名聰字秉用永嘉人正德庚辰科進士嘉靖初以議大禮稱旨六年位至宰相屢起屢致政歸卒年六十五贈太師上親考謚法賜謚文忠

方太綸曰張文忠其振古之人豪哉當議禮時舉朝聚訟公以新進屹立其間辭嚴義正衆莫能奪既承知眷慷慨任事在閣十年抑內官杜私謁道有不合即奉身而退衣囊一肩已渡潞河既奉溫旨旋踵復入由行李少而內顧輕也

霍文敏性孤亢獨重文忠有以哉譚希思曰永嘉議禮乃出所真見非以阿世受知之後一心奉公不避嫌怨風紀肅清積弊頓改既入內閣密參大政清勳戚莊田罷鎮守太監百吏奉法苞苴路絕而海內稱治矣至其持議守正雖嚴旨屢下辭色不撓上察其誠滋益信任嘗以少師羅峯呼之第果於自是恩怨大明休休有容則或其所短然終嘉靖之世語相業者迄無若永嘉云

真人禮部尚書邵元節卒贈少師謚文康榮靖元節龍虎

山上清宮道士 ○二月乙卯車駕發京師時尚書許瓚左都御史王廷相等請

上南幸不許 ○三月丁卯夜半行宮火延及御寢錦衣衛

陸炳排闥入負上出焰中越三日至亢村行宮復火

上大怒收撫按三司官俱繫獄 ○遣駙馬鄔景和往

祭漢世祖諸葛亮羊祜及武當山神 ○庚辰車駕至

承天府居卿雲宮辛巳詣純德山降輦稽首甲申享

上帝於龍飛殿奉皇考配閱陵畢詔告天下壬辰車

駕發承天 ○夏四月壬子上還京

五月以太子太保兵部尚書行邊使翟鑾為禮部尚

書武英殿大學士 ○上諭禮部朕南巡謁陵及視大

峪峪地空凄豈如純山完美決奉慈宮南耐發引在

今月十七日子時是月甲申皇太后梓宮由德勝門

東行。至通州。大學士顧鼎臣題主成國公朱希忠奉
 主還京梓宮。遂登舟。○六月命威寧侯仇鸞為征南
 副將軍。兵部尚書毛伯溫叅贊軍務討安南。○雷震
 奉天殿。

秋七月合葬顯陵。○冬十一月大同總兵官梁震卒。
 先是大同軍卒殺巡撫張文錦。殺叅將賈鑑。又殺總
 兵李瑾。鎮巡官每以甘言慰勞之。震拜命。即率家丁
 五百人馳至雲中。下令曰。我無爾陵。爾無我叛。王法
 軍令具在。我不敢徇私。誤國其家。丁時時語鎮兵曰。
 爾敢蔑視主帥者。恃眾耳。今兒郎輩無不一當百。五
 步之內。爾不得恃其眾也。由是軍中肅然。莫敢譁者。
 震與眾同甘苦。每有工役。身為率先。
 修復五堡。邊境蘊息。卒贈太子太保。

庚子十九年春二月罷武科鄉試。○京城黃霧四塞。

○命修興國宮殿。○三月營仁壽宮。○秋七月授方

工段朝用紫府宣忠高士。郭勛薦朝用有燒煉之術

上大○冬十月大學士顧鼎臣卒。贈太保○禮部尚

書霍韜卒。贈太子少保謚文敏

辛丑二十年春二月會試。以掌詹事府禮部尚書兼

翰林院學士溫仁和翰林院侍讀學士張袞充考試

官。取林樹聲等三百人。○三月廷試。賜沈坤潘晟林

一鳳等進士及第。出身有差。

夏四月安南莫登庸降表至。詔改安南國為安南都

統使司。以莫登庸為安南都統使。子孫世襲。安南自

安南
為部統

復反之後遂為羈縻之國黎利死子麟立麟死子濬
 正濬為庶兄琮所弒琮自立黎壽域等殺琮立濬弟
 灝灝死子暉立暉死子敬立敬死弟誼立誼為阮种
 所殺立灝庶子調調多行不義鄭縵等殺調立諲諲
 母妻皆鄭氏也莫登庸都齋漁人負勇力時時凌波
 而飛持劍下刺魚得巨魚呼噪為樂仕諲封武川伯
 總水陸諸營尋進太傅仁國公銷九鼎為兵器自稱
 與安王謀殺諲圍其宮諲走清華登庸乃立諲弟應
 因殺應而自立嘉靖九年秋八月黎諲死國人立其
 子寧登庸襲寧寧走老撾登庸以其子方瀛為大王
 改元大正及官軍進討方瀛乃移文雲南鎮臣言黎
 應病篤名方瀛人官付印章命主國事黎寧乃亂臣
 阮塗之子冒黎姓非諲子也朝廷知其姦偽決意討
 之時方瀛已死登庸留其孫福海守國與其姪莫文
 明頭目阮如桂等四十餘人於嘉靖十九年十一月
 初三日入關各跣足尺組繫頸詣軍門稽首獻所部
 土地軍民籍還所侵欽州四峒境上請奉
 正朔伯溫等上諭朝廷威德稱制赦之

五月大廟災成祖仁宗二主燬○運船阻淺湖廣叅

海運不得輕議

議方遠宜請開海運上曰運河方在濬治海運不得
 輕議○交成工絕嗣輔國將軍表相謀襲爵禮部尚
 書嚴嵩受賂為請得旨邏卒獲其籍以聞永壽王庶
 子惟熈與嫡孫懷堪爭立嵩受惟熈金為覆允王妃
 擊登聞鼓訴嵩姦貪狀上曰表相惟熈襲爵行所司
 確勘嵩安心任事勿以人言介意○秋八月起翟鵬
 為兵部尚書總督北邊軍務○昭聖皇太后崩上尊
 謚曰孝康靖肅莊慈哲懿翊天贊聖敬皇后○郭勛
 有罪下獄論死勛坐殺人律長繫斃於獄
 冬十二月科臣王諱言左都御史胡守中與尚書張

贗嚴嵩武定侯郭勛深相結納互為姦貪近因勛敗
 抗疏陳奸始附勢以罔利終尾敗而脫禍此小人之
 尤者也疏上不報時守中得上眷以為兵部侍郎總督
松數萬株變價入已敵騎直入遂無扞敵復索富商
宿將金錢巡按御史洪源奏聞不報南北臺諫連佈
入告逮至
 會訊論斬



